

Forum da tschernas

Rinforzar l'economia da l'Engiadina – uossa es il mumaint per metter las drettas prioriteds

L'Engiadina appartegna tar las regiuns alpinas las pü prosperaivlas da la Svizra. Sia derasaziun internaziunela, l'ota qualited da vita e l'economia turistica sun fermas. Però as muossa adüna pü cler cha la dependenza unilaterela dal turissem, ils cuosts creschaints pel abitar e la manchaunza da persunas qualifichedas frenan il svilup a lungia vista da nossa regiun. Perque es important da der uossa impuls economics. Que nu significha da metter in dumanda il turissem – id es

viceversa. El resta la basa da nossa regiun. Decisiv es però da'l cumpletter e svilupper in möd intelligaint.

Ün punct centrel es il svilup dal turissem sur tuot l'an. Occurrenzas our da la stagiun ota, üna sporta da sandet, da sport ed evenimaints aint illa natüra, scu eir novas fuormas da lavur scu «workation» paun güdar da redüer las fluctuaziuns stagiunelas e creer piazzas da lavur pü stablas. A listess temp ho l'Engiadina ün grand potenzial scu lö per activiteds

basedas süin savair – per exaimpel in champs da la perscrutaziun alpina, dal clima, da la medizina da sport o da la furmaziun. Tels svilupps rinforzan la regiun a lungia vista e crean perspectives attractivas per persunas giuunas. Important es eir da druver meglder las resursas existentas. Bgeras abitaziuns secundaras sun vödas üna granda part da l'an. Cun novs models da fittaunza o servezzans adattos pudess gnir creo dapü svilup da valor – sainza druver novs terrains da

fabrica. Eir spazi d'abiter pajabel resta üna da las sfidas las pü urgaintas, schanus vulains sgürer e svilupper piazzas da lavur a lungia vista.

Per cha tels impuls vegnan udieus a nivel chantunel, drouva que vuschs ingaschedas i'l Cussegl Grand chi's mettan aint cun consequenza pels interess da nossa regiun. Scu candidat pel Grand Cussagl vulescu m' ingascher precis per quists temas: per üna diversificaziun economica pü ferma, per megldras cundiziuns da

basa pels affars e per collavuraturas e collavuratuors scu eir per perspectives stablas per l'Engiadina scu lö da viver e da lavurer. Eu sun persvas cha nossa regiun ho ün grand potenzial – scha nus mettains uossa las drettas prioriteds. Gugent vulescu eau purter quists temas i'l Grand Cussagl e m'ingascher activamaing per cha l'Engiadina resta eir in avegnir economicamaing ferma ed attractiva.

Jachen Andri Cajos, candidat pel Grand Cussagl PPS, Samedan